



R221.3

151-3

馬元臺先生註

善成堂

黃帝內經素問

靈樞合編

太醫院藏

重刻素問靈樞註證發微弁言

漢書班志載黃帝內經十八篇並無
素問靈樞之名晉皇甫謐稱鍼經九
卷素問九卷皆為內經論者謂鍼經
即靈樞與漢志十八篇之數合唐王
冰註素問作二十四卷宋史崧靈樞

音釋作十二卷與舊志異不聞別有
所據且註素問而不及靈樞釋靈樞
而不及素問於二書亦不無偏廢之
弊有明馬元臺先生註證發微分素
問靈樞各九卷復還舊觀合二書詳
加詮註參互貫穿洵足闡發內經微

旨而為黃帝功臣歲久板刺漫漶原
刊絕少近時即舒載陽重刻之本亦
不可多得坊賈每藉以居竒余因以
家藏舊本重校付梓俾業是術者人
人得而有之或亦濟世養民之一助
也

嘉慶十年長至月既望古歛鮑漱芳

席芬甫識



黃帝內經素問 註證發微篇目

第一卷

上古天真論一

四氣調神大論二

生氣通天論三

金匱真言論四

陰陽應象大論五

陰陽離合論六

陰陽別論七

靈蘭秘典論八

六節藏象論九

第二卷

五藏生成論十

五藏別論十一

異法方宜論十二

移精變氣論十三

湯液醪醴論十四

玉版論要篇十五

診要經終論十六

脉要精微論十七

平人氣象論十八

第三卷

玉機真藏論十九

三部九候論二十

經脉別論二十一

藏氣法時論二十二

宣明五氣篇二十三

血氣形志篇二十四

寶命全形論二十五

八正神明論二十六

離合真邪論二十七

第四卷

通評虛實論二十八
太陰陽明論二十九

陽明脉解篇三十
熱論三十一

刺熱論三十二
評熱病論三十三

逆調論三十四
瘧論三十五

刺瘧論三十六

第五卷

氣厥論三十七
欬論三十八

舉痛論三十九
腹中論四十

刺腰痛論四十一
風論四十二

痺論四十三
痿論四十四

厥論四十五

第六卷

病能論四十六

奇病論四十七

大奇論四十八

脉解篇四十九

刺要論五十

刺齊論五十一

刺禁論五十二

刺志論五十三

鍼解論五十四

第七卷

長刺篇

五十五

皮部論五十六

經絡

十七

氣穴論五十八

氣府論五十九

骨空論六十

水熱穴論六十一

調經論六十二

繆刺論六十三

第八卷

四時刺逆從論

六十四

標本病傳論六十五

天元紀大論六十六

五運行大論六十七

六微旨大論六十八

氣交變大論六十九

五常政大論七十

六元正紀大論七十一

刺法論篇七十二

亡今另本素問遺篇有此具後補遺

第九卷

本病論篇七十三

亡補同前

至真要大論篇七十四

著至教論七十五

示從容論七十六

疏五過論七十七

徵四失論七十八

陰陽類論七十九

方盛衰論八十

解精微論八十一

附補遺

今附訂靈樞後卽刺法本病二論

黃帝內經素問註證發微卷一

明太醫院正文會稽庠生元臺子馬尊仲化謹登

素問者黃帝與岐伯鬼臾區伯高少師少俞雷公六臣

平素問答之書卽本紀所謂咨於岐伯而作內經者是

也此書出於岐伯者多故本紀不及諸臣耳咨者問也本紀云帝

以人之生也負陰而抱陽食味而被色寒暑濕之于外

喜怒攻之于內天昏而札君民代有乃上窮下際察五

氣立五運洞性命紀陰陽咨於岐伯而作內經全元

起謂素者本也乾鑿度以素爲大素以素問爲問太素

義俱未然此素問八十一篇而復有靈樞八十一篇大抵

素問所引經曰俱出靈樞則靈樞爲先而素問爲後也

後世重素問而忽靈樞求素問而書中止以天師夫子

失精要以致學無本源醫多庸下

尊岐伯鬼臾區而其餘諸臣未聞其以是稱

見上古天真論及五

運行大論等篇

按五運行大論岐伯曰雖鬼臾區其

上候而已猶不能徧明

靈樞陰陽二十五人篇岐伯曰

雖伯高猶不能明之則諸

臣似未有能及岐伯者至雷公則自名曰小子細子

黃帝亦有訓之之語意者所造未及諸臣而年亦最少

歟如著至教論已下七篇皆有訓之之語且其曰公曰

其疏五過論雷公亦自言臣幼小蒙愚

伯曰師似皆以爵稱之即如實命全形論有曰天子

亦云推軒懷代曰君王移精變氣論五常政大論靈樞

神農爲天子

官能篇皆稱曰聖王著至教論疏五過論有封君侯王

靈樞根結篇有王公大人等稱則其爲爵無疑也至於

鬼臾區少俞伯高皆諸臣名耳後世程子謂出于韓諸

公子之手。或謂先秦儒者所作是皆泥于爵號文字而
未繹全書。故臆說有如此者。廼今詳考六節藏象論。天
元紀大論。五運行大論。六微旨大論。氣交變大論。五常
政大論。六元正紀大論。至真要大論等篇。則論天道歷
法。萬象人身。經絡脈體。人事治法。辭古理微。非子書中
有能偶及雷同者。真唯天神至聖始能作也。愚意上天
以仁愛斯民爲心。而伐命惟病。治病惟書。然元默無言。
故挺生神聖以代之言。而蚤出此書以救萬古民命耳。
况六書制自伏羲。外紀云。天下義理必歸文。字。天下文字必歸六書。醫藥始于
神農。本紀云。民有疾病。未知藥石。炎帝始味草木之滋。察其寒溫平熱之性。辨其君臣佐使之法。一日而

遇七十毒神而化之遂作方書以療民疾而醫道立矣

年其文字制作明甚外紀本紀俱載其帝紀官舉相明

歷作樂制爲衮冕舟車畫野分州經土設井播百穀制

城郭凡爵號文字時已成備史官虎通曰黃帝始作制

世胡雙湖稱黃帝之世實爲文明之漸歷金天高陽高辛諸氏又經三百

四十餘年始迄陶唐則諸凡制作人知唐虞爲盛而不

知肇自羲皇其所由來者漸也何獨內經之作史書靈

素均誣乎哉至春秋時秦越人發爲難經誤難三焦營

衛關格晦經之始晉皇甫謐次甲乙經多出靈樞義未

闡明唐寶應年間啟元子王冰有註隨句解釋逢疑則

默章節不分前後混淆元滑伯仁讀素問鈔類有未盡
所因皆王註惟宋嘉佑年間勅高保衡等較正深有裨
于王氏但仍分二十四卷甚失神聖之義按班固藝文
志曰黃帝內經十八卷素問九卷靈樞九卷乃其數焉
又按素問離合真邪論黃帝曰夫九鍼九篇夫子乃因
而九之九九八十一篇以起黃鐘數焉大都神聖經典
以九爲數而九九重之各有八十一篇愚今析爲九卷
者一本之神聖遺意耳竊慨聖凡分殊古今世異愚不
自揣而僭釋者痛後世槩闡此書而蝨測之以圖萬一
之小補云耳知我罪我希避云乎哉